

# THLICHIA LE TILIAN NIH NA INN A HRAWH AHCUN



Chin

Thlichia le tilian nih minungnha kha hnahnawnhak a pek lengah mei, ti, zunput le inchung in a thurnawmpawl fenhnak, le gas tehna zong a hrawh khawh. Cun lam, vanlawng ttumnak, tilawng dinhnak tehna zong a hrawh khawh hna i telephone tehna zong a rawk kho.

Thlichia le tilian nih harnak an pek ahcun umnak inn, tangka, ti le rawl, le a dang bomhnak na herh kho.

## INSURANCE NA NGEIH AHCUN

- Na insurance company kha chawn colh. A tamdeuh cu nazi 24 chung chonh khawh an si
- An mahnih khan chikhat umnak inn, tirawl le tangka tehna zong an in bomh khawh men
- Inn in na chuah hlaanah na inn himnak kha tt hatein tuah taa. Mahkha nangmah rian a si
- A thiammi na si lo ahcun zeihmanh remh hlah. Zeicahtiah mah nih khan nangmah le na chungkhar hnahnawnhak an pek chin khawh hna lengah thil kha na rawhter chin khawh i insurance company zongnih liamh lo khawh a si
- Insurance kong he pehtlaiin theih na duhmi a um ahcun Insurance Council of Australia, **1300 728 228** ah na chonh khawh hna

## INSURANCE NA NGEIH LO AHCUN

Le na chungkhat le hawikom zongnih an in bomh khawh lo ahcun a tangleipawl hi chawn hna:

- Ngakchia Huhphenhnak/Khamhnak Zung, Department for Child Protection (DCP), **0418 943 835** ah chawn hna law laakhruak umnak, hnipuan, tirawl le a dang a herhmi bomhnak hal hna
- Cozah Inn Tlaitu Zung, Department of Housing, **1800 093 325** ah chawn hna law cozah inn asiloah innhlanak ah sapawngwe coih khawh na si le si lo zong hal hna

Na inn a rawh tuk i bomh na herh ahcun, State chung ah laakhruak harnak a tongmi a bawmtu bu, SES, kha **132 500** ah chawn hna.

## MEI A RAWH AHCUN

- Western Power kha 131 351 ah chawn hna.
- Khuate lei a ummi na si ahcun Horizon Power kha 132 351 ah chawn hna. (Naa fian lo ahcun a hnubik a raami na mei man halnak ca kha zoh)

## A RAWKMI THIANH

- Na innpawng kha thianh hram i thawk- thingnhah, thingngepawl le hmunthorpawl kha ti, mei le gas tahnak meterpawl le telephone hri tehna he aa hlatnak ah pong hna
- Na thinghnahpawl hlonhnak kong le ngandamnak caah a ttha lomi sivai, asbestos aa telmi in sermi hau tehna hlonhnak caah na sang i a ummi cozah (local government) kha chawn hna.

*Thlichia le tilian a thawh lio le a dihnna ah zaidah ka tuah lai ti theih na duh ahcun a tang website ahhin rak zoh:*

[www.fesa.wa.gov.au](http://www.fesa.wa.gov.au)



Government of Western Australia  
Fire & Emergency Services Authority

